[fol. 59r]

Einnamb vmb ver-

kauffte Tröbern

Von vorbemelten diss Jahr *folio* 47 zr. gemachten 682 Preu seinnd die Tröbern gleich fertten durchgehents jede *per* 4 fl. verkaufft vnd daraus 2728 fl. erlest worden, welche, weillen anstatt der Tröbern dem alhiesigen Churfürstlichen Herrn Pfleger vor 5 Preu vnd dem aldaigen Castner vor 4 Preu das Gelt verraicht würdt, wie in der gemainen Ausgab hernach *folio* 206 findig, diss Ohrts völlig in Empfang geschriben vnnd ihr Churfürstlich Durchlaucht verrechnet werden jdest 2728 fl.

Summa per se

Heur vmb 16 fl. mehrer

[fol. 59v]

Einnamb an Vaß-Kreizer

Der Vaskreizer hat das ganze Jahr hindurch, indeme ab jedem Ganzen vnnd Halben Vas 1 kr. alda eingefordert würdt, von verschlissenen 17881 Ganzen vnnd 10836 Halben Vassen ertragen, so hiemit gebürent *per* Empfang kombt

478 fl. 37 kr. —

Dann sinnd, wie hieuor *folio* 54 zuersehen, vnderm Jahr verkaufft worden 51 Ganze Viertl Vas, jedes *per* ain, thuet

51 fl.

Vnd nach zaig *folio* 56 129 Halbe Viertl Vas, ains *per* 40 kr., macht

86 fl.

Summa

615 fl. 37 kr. —

Heur wegen mehrers verkaufften Vas vmb 130 fl. 45 kr. störckher

³⁰ id est.